

Salmenta beherapenen ondorioz Gipuzkoako merkatariak kezkatu

A.I. / DONOSTIA

Gipuzkoako merkatariak biziki kezkatuta daude azken hileotan salmentek izan duten beherakadaren eraginez. Hauxe da Gipuzkoako Merkatal Ganbarak Gipuzkoako komertzioaren egoerari buruz burutu berri duen ikerketak ezagutzera eman duena. Izan ere, duela gutxi Merkatal Ganbarak inkesta bat bidali zien Gipuzkoako dendariei, merkatal sektore honen egoera nolakoa den aztertzeko. Inkesta honetan azken bi hileotako datuak eskatzen zitzaizkien dendariei.

Ikerketa honek erakusten duenez, Gipuzkoako merkatariak oso emaitza kaxkarrak izan dituzte pasa diren urria eta azaroan, aurreko urteetan hilabeteotan izan direnekin konparatuz.

Salmentek behera egin dute maila oso altuan eta, antza denez, udazkenean normala izaten da salmentak areagotzea. Zentzu honetan, oso denda gutxi daude Gipuzkoan iaz baino salmenta hobeagoak izan dituztenak.

Honen ondorioz, komertziorik gehienetan produkzioaren parterik handiena almagazetan sartuta dutela erakutsi du merkatal Ganbararen txostenak.

Espero zitekeen bezala, prezioek gorantz egin dute. Izan ere, uztailea eta abuztuaren elikagaiak merketu egiten dira normalean eta gero, berriro garestitu. Dena den, Gipuzkoako dendariak ez datoz bat prezio igoera zenbateko izan den zehazterakoan; %32ak prezioak altuagoak direla uste du, %74ak mantendu egin direla, eta gainoneraokoei, salmenta prezioak txikiagotu egin direla.


Datozen hiru hilabeteotan egoera zertxobait leundu da espero dute

Gipuzkoako Merkatal Ganbarako ordezkariak. Aitzitik, merkatariak gehienak (inkesta erantzun dutenen % 65) ez dira hain baikor azaltzen, salmentak mantendu edo jeitsi egingo direla pentsatzen bait dute. Hone-la, dendarien ehuneko hogeitahamabostak bakarrik uste du salmentak hobetuko zaizkiela.



PREZIOEN apaltzeak axuri eta gizen merkatuetan. Azken aste hauetan susmatzen zena, Mauleko eta Hazparneko merkatuetan finkatu da: bildotxa eta ahate gizenen prezio apaltzeak. Igazko neurriekin konparatuz, %10eko apaltzeak dira. Laborantza munduan diren esne eta haragiaren inguruko problemei lotzen da beste kezka berri bat. Hazparnen 436 bildotx saldu dira 19,5 eta 20 liberen artean.

“Zuk,
gure eraginkortasunez,
gure indar
eta operatibitatez,
irabaz dezazun”



Atienza Bruselaren 'Resider II' programa aurkezteko

P.A. / DONOSTIA

Siderurgia errekonbertsioak Europar Elkarteko zenbait zonetan eragin dituen ondorioei aurre egiteko, 'Resider II' izeneko programa aurkeztuko du gaur Luis Atienza, Gasteizko Jaurilaritzako ekonomia sailburuak Bruselaren. Euskal Autonomi Elkarteko siderurgia aipatzen da programa honetan, eta 'Resider I-ak' jasotzen ez zituen Gipuzkoako siderurgia espezializazio zonak hartu ditu. 7.800 milioi pezeta-tako inbertsioa du 'Resider II-k' EAEn, eta hauetatik 3.780 FEDER-i (Erregioen Ekonomia Garapenerako Fondo Europeoa) zuzendutako diru laguntzak dira.

Programa hau Europar Komisioren aurrean aurkezteko erabakia Gasteizko Jaurilaritzak hartu zuen pasa den azaroaren 20an, eta siderurgia sektorea laguntzeko asmotan bultzatu zen. Helburu nagusia ekonomia iharduera alternatiboak sartzea izan da eta errekonbertsioaren ondorioz galdu diren lanpostuak birsortzea. Gobernuak adierazi duenez, laguntza jasotzeko baldintza guztiak betetzen ditu EAEko siderurgiak.

Zerbitzu dimentsio berri bat jaiotzen da

Helburu honekin, Arabako Kutxa Probintziala eta Gasteizko Aurrezki Kutxa elkartzeko gara, entitate berri bat sortuz: CAJA VITAL KUTXA. Etorkizunean izango diren aldagak aurre egiteko, berme guztiz lehiakide izateko merkatu berri batean.

Caja Vital  Vital Kutxa

Araba eta Gasteizko Kutxa.